


日本漢文學百家集 59

王焱
編



北京燕山出版社

王焱 主編

日本漢文學百家集
59



北京燕山出版社

第五十九册

鷺峰先生林學士全集 詩集 卷七十一至卷八十八 林春勝著 元祿二年……一

鵝峰先生林學士詩集卷第七十一

向陽續集十九

或曰林氏寬文集
寬文六年三月至同年十二月

入門看花

三月十五夕遊太田備牧之宅看花標八題探闕
得之

花外高門迎客闕千枝萬朶錦成堆滿蹊雲簇多車
轍蜂蝶追隨長者來

綠淨春深

三月二十五日
酒井匠作水亭

鳴鳩乳燕暮春遊綠水深青樹影浮應是蘭亭餘物

色茂林脩竹夾清流

八入楓

同帝探園中
四物得之

不待秋霜葉染時驚看錦樹兩三枝春雲呈瑞堯紅
色八入揚光八彩眉

鍋島加賀守直能肥之前州采地櫻岡標題二十
景十境余依其末賦三景一境其餘各分配之群
作每境加小序

櫻岡花雲

岡櫻爛爛彩雲飛錯綜成章帝杼機花似春衣振干

似金枝玉葉共相輝

松尾霜葉

霜葉染成秋色宜
纈林露出舊叢祠
楓人似勸木公
醉一入紅粧百尺姿

金立秦祠

金立遺蹤西水滸
曾聞徐市暫留船
齋書幸避虎狼
國覓藥遙望烏卯天
宮構阿房纔二世
祠存姝域已
千年渺茫雲浪熊
峰隔仙駕追風乃
息焉

偕樂門 三言并引

栖遲于此推敲于此立而遠望入則佳境獨樂不
若與衆是人之常情況其古之人與民偕樂故能
樂也今其名之職此之由

茅不塞柴掃塵山當戶船泊津晚潮對出日賓闔於
夕關自晨松可倚竹成隣馬以繫鹿相馴花迎客月
送入歌一曲酒三巡部下士域中民樂其樂親其親

丙午三月二十九日故姬路拾遺君小祥忌不

堪追懷賦絕句一章以漏餘哀

百卉園中朝露晞春過花落失光輝惜花猶待明春

至君去周年何日歸

從四品刑部大卿源君襲封姬路賜官殿歸

播陽踰月之後遐想不已漫作一絕聊演賀儀

遙寄呈焉

山川依舊領金華餘慶傳貽積善家夏木千章新綠

茂時維品物可亨嘉

丙午孟夏朔

園林夏淺得四字

新葉揆花小園賁林淺猶未窮幽邃坐愛千朶綠陰

踈滿蹊今何問黃四

孟夏七日游建丹牧染井別墅賦卽景二首

偶被凱風勾引來園中並列小崔嵬獨吟不存僕夫
瘖意馬揚揚豈虺虺世平

幽處乾坤靜忘勞暫退公草分平野綠楓借晚秋紅
群秀稚松嶺細香脩竹風鷺殘深樹上鶻餐小籠中
賴政墨痕遺惠崇畫手工仰看虹一道落作主人弓

紅藥當階

四月二十一日
會于弘文書院

有色有香相共佳揚州名種遣風懷花中宰相讓蕭
相未上殿頭猶立階

又

階前芍藥競研姿，名與落花無等差。
紅萼殿春開幾日，這邊萱葉筭來知。

藝陽士人秦勝成乙巳之夏從其邦君東來寄
鯉素添鷓斑賀國史之編修問起居之安否然
館事無鹽繼有瘴疾之患不投回簡頗似踈懶
今春勝成自到館中賦絕句乞雌黃欲和而不
果歷日而忘焉頃聞其西歸期迫不能默止偶
得休暇口占一首以代飲禰云爾

故國路千里征鞍曉月邀遠望雖隔歲踐及不崇朝

若木東方曙浪華西水遥歸兮客愁散青顧綠陰喬

浪華者浪速今難波也見神武紀

綠陰日長

五月朔狛狗庸小集無題

新葉成陰綠四圍凱風日靜透單衣園林騰茂淹留

久鳥亦友于猶未歸

細雨魚兒出

同日即席

細細淋淋一面池隊群游躍小鱗而問渠綠底憶無

餌不畏雨絕如釣絲

焦遂

同席探飲中八仙得之

危言驚破四筵人，五斗澆胸顏似春。
酒帝若揚雄辯士，醉鄉帶印擬儀秦。

狛郎池畔杜鵑花開時，偶聽杜鵑乃倉卒走筆。
帶露開敷池水邊，摩雲啼破雨中天。鳥爲來客花爲
主，同氣相求兩杜鵑。

史館之暇應狛郎之招，見園池雙鳧託比興之
意以賀主人新婚云爾。

雙鳧在冰其翼之比以游以泳彼此樂只カ子

雙鳧在深自西自東摯而有別一雌一雄
維池之繞雙鳧相俱真成好匹可以携雛

雙鳧三章章四句

端午口占

移家三十二端午筭日萬千五百餘蒲架書齋年日

數芸香難拂白衣魚

杜子美騎驢圖

建部主水求
之野節為介

千秋嶺雪百花潭此老平生佳句耽蜀道行過難又

易一驢難蹇利西南

新亭喜雨詩 并序

詩曰：迨天之未陰雨，徹彼桑土，綢繆牖戶。野氏之子，篤溫清服，勞齡近而立，未有室家。丙午季春，占數十弓之地，營五車書之室，維日之長，羣工方僦。陰雨未迨，手自拮据，無漂搖之慮，有落成之速，可謂得天之時。正是協詩之旨，若推言之，則家業之務，察其氣運，餘力之學，知其日新，而其効可見，其名可聞也。及夏之孟，移家而後，綠樹陰濃，欣欣迎入。薰梅雨催，滴滴同參。五月之薰，可以招涼。十年

之燈可以繼晷嗚呼鈞是雨也前之未雨在彼時
則可喜今之有雨於此時亦可喜也是月七日史
館旬暇應嘉招會新築揭新亭喜雨為題聊寓蘇
公名亭之字倣幽人餘滴之語云爾其詩曰

主人心匠日居多一簣功成新雨過檐滴絲絲響盈
耳雲斤斂手調雲和

長松夏寒 同席

曾冒嚴寒積雪難綠陰擎蓋倚雲端松風五月天風
起百尺枝高月窟寒

遠寺晚鐘

高澤請贊

殷殷自西耶自東斜陽回首耳先通聽熒上界在何處十八聲傳一面風

五月十三日會諸負于家塾以夏教以詩爲題讀了三南周已東日長不倦訓童蒙夏絃何慣蟬聲噪一曲迎涼穆若風

同日探詠史三十題余得五件

涿鹿

涿鹿霧飛風勢高皇軍野戰敵皆鏖一弧一矢威天

下穿破銅頭鐵額牢

湘川

南狩不歸招帝魂
湘雲萬里水潺湲
淚痕染出斑斑
竹雨洗浪淘紋尚存

召陵

自北馳南風馬牛
呂公貽厥幾孫謀
召陵一問僭王
罪江漢諸侯知有周

豫讓橋

恨在趙家無顧身
主恩雖舊箇忠新
擊衣勢壓鐵椎